

卷一四六〇七 簿字

卷一四六〇八 簿字

卷一四六〇九 簿字

永樂大典

永樂大典卷之一萬四千六百七

六纂

簿

主簿

事物紀原韋昭辨名云主簿者主諸簿書辨云簿晉檢督令史事也簿書必有掌者錄事總領之耳韋書要語主簿禮雜端在

司佐理縣務職司符印主掌簿書

御史臺主簿

事物紀原臺簿漢有此官張忠為御史大夫署孫寶為主簿是也魏晉以來無聞至隋大業三

年御史臺始置主簿二人唐置一員掌付事勾稽省署抄目監印給紙筆其俸祿與殿中御史同武德末杜淹為大夫以吏部主事林懷信為之員觀中自張弘濟為此官之後遂為美職管轄中雜務公解厨庫檢督令史奴婢配勲散官職事美食則執黃卷書其謫罰唐職林憲臺之禮雜端在南榻主簿在北榻五代會要後唐天成四年八月御史臺孔目官閻珪狀分析每有大夫中丞奏請雜端主事等官承前隨廳罷任其主簿未顯見

任伏候勅裁勅諸道賓從即隨府罷臺主簿既為正秩況入選門並自初恩須終考限朱穎宜仍舊官杜佑通典宋御史臺推直官二人專治獄事主簿一人掌受事發辰勾檢稽失兼簿書錢穀之事元豐官制行定員分職裏行推直悉罷檢法官掌檢詳法律元祐三年改為主簿紹聖三年董敦逸奏復置主簿掌勾稽簿書各一人紹興初詔檢法主簿特令殿中侍御史奏辟紹熙中侍御史林大中以論事不合去所奏辟檢法官李謙主簿彭龜年亦乞同罷嘉定元年劉渠除檢法官范之榮除主簿以後二職皆闕事文類聚熙寧十一年改主簿作檢法官各一員係長貳同舉京官充元豐四年罷宣和二年御史臺申請六年復置各一員續會要四朝志又熊氏職畧云國初沿唐制御史臺有推直官按四朝志推直罷於改官制之時而檢法之置乃在熙寧十年續宋會要元豐三年李定請增置一員點檢六案文字元豐六年九月中丞黃履言本臺有主簿兼檢法官二員乞復置分治職事詔置主簿并檢法官一員從八品又奏本臺主簿檢法官係分掌班籍參預定刑所領職事與他司不同元祐元年大理寺右斷刑架閣庫專委主簿主管兼張廣東憲集黃應南御史臺主簿制初具官某御史府設屬所以維持紀綱必得端良乃應器使以爾學務

真積心存克誠擢在師儒之聯蔚有縉紳之譽往往任鈞檢俾能其官並勵
爾焉以贊而長 李潤御史臺主簿制 初具官某朕惟憲府之屬中執

法得以自擇蓋欲其以類舉也爾學問操履有聞于時樸茂詳明形於薦
牘俾其往往任鈞檢儻無諱薄書之勞是為不負所知亦庶幾紀綱之助恭

容考遂摘文堂集宣義郎陳郊可御史臺主簿制 初具官某憲府肅正

朝綱肆於簿領之臣考擇惟賢以爾材實之美宜踐厥官錫茲命書柱承

無數可汪藻浮溪集黎譯御史臺主簿制 御史府朝廷風憲之地以簿

領勾稽於其間者蓋不輕授往貲而長毋失官職周麟之海陵集沈樞除

御史臺主簿制 國之紀綱屬在憲府官無大小皆欲以庶亮有守之士

為之儲才於茲其用固有亨也爾以學業之茂安於守而達於所知延見

昕朝首告朕以君子小人之說夫二者治道之要也爾能知之是足以為

臺屬矣鈞稽之任其尚勉哉可劉行簡荅溪集左承議郎鄭毅除御史臺

主簿制 初具官某御史府風憲所在其屬皆一時異選簿領鈞稽之職

非他有司比也爾志行老成謹辱通敏俾居厥次公論謂宜尚勉之哉可

彭止堂集辭免除臺簿申省狀 紹熙壬子准六月十六日省劄朝散郎

守侍御史兼侍講臣林大中狀准御史臺令諸檢法官主簿聽長貳不限

資序舉承務郎以上充。照得本臺檢法官曾三復。近已改除監察御史。尚
闕臺屬一員。兩奉玉音。令臣奏辟。臣竊見國子監丞彭某。操行堅正。不為
詭隨。遇事通明。不為沽激。堪充臺屬。差遣。欲望聖慈。特降睿旨。施行。伏候
勅旨。六月十六日。三省同奉聖旨。依李譙差充御史臺檢法官。彭某差充
御史臺主簿。并準小貼子檢會。乾道六年七月二十四日。已降指揮。今後
除授職事官。並令不候受告。先次供職者。某照對御史臺奏辟。檢法主簿。
在法。雖不限資序。然比年所辟。多是曾任知縣人。某自改官以來。未經作
縣。揆之近例。難以充負。兼聞元祐中。王巖叟嘗論奏言。路數人所賴以察
四方之事。達四方之情。而專用一方之人。非所以廣聰明於天下。某伏見
御史臺。見今察院及屬官。已多江西人。而某又居江西。雖事出適然。而簿
書之職。亦無言責。然不能周知四方之事。恐非朝廷所以廣聰明之意。况
某人品庸下。無所採取。列屬臺中。最為不稱。欲望特賜數奏。下御史臺。改
辟臺簿。將某別與差遣。伏候指揮。乞解罷臺簿申省狀。照對某昨於
紹熙三年六月十六日。準尚書省劄子。備奉聖旨。差某充御史臺主簿。竊
緣某當來係侍御史林朝請奏辟。今月十八日。林朝請已除吏部侍郎。某
自合解罷除。已申御史臺請候。更不入臺外。欲望特賜數奏。別與某一等

差遣伏候指揮。辭免依舊充臺簿申省狀。右某伏準省劄以某乞解
罷御史臺主簿職事。十二月二十二日三省同奉聖旨。並仍舊供職。某祇
聞成命。倍切凌兢。自揣弗安。敢忘冒瀆。某聞人臣之事君。進則當守其法。
退則當致其義。二者失一不可也。某昨者蒙朝廷差充御史臺屬官。乃以
侍御史林朝請奏辟。林朝請既除吏部侍郎。某合當解罷兼林朝請近因
論事不行。遂有改除。某忝為臺屬。裨贊無狀。未加屏斥。已荷寬恩。豈可懷
慚。復入憲府。某義亦當辭。法既當罷。義又當辭。冒而居之。實不皇厥。欲望
朝廷特賜敷奏。與某一在外。合入差遣。庶安愚分。伏候指揮。唐仲友說齊
集知信州通交代。磨臺簿啓。宸綸改命。使節按刑。五月尚返。政教太公
之報。百城未爾。民頌賈父之來。郵置一傳。指紳交慶。恭惟某官。氣養剛大。
德依中庸。惟其資深而居安。是以用明而宿壯。淵乎似道。孰測汪汪之陂。
若然奏刀。但見恢恢之地。一自烏臺之結綬。荐更熊軾之頒條。辨是非。
曾何剛吐而柔茹。興利除害。固已吏畏而民懷。偶潢池鼠竊之區。藉嶺嶠
犬牙之制。爰膺衣繡持斧之選。往變帶牛佩犢之風。然三接方錫於康侯。
必一言深悟於上意。不辭攬轡。固君子急病而遑夷。如欲折衝。當惟慢
運籌而決勝。衆論如此。俞意必然。某曩共文衡。今承郡綬。無小無大。願聞

楚令尹之告新。或異或同。當免魯男子之善學。燕賀方深於成。漢鯉書充
樹於搗謙。尚苦炎蒸。諒綏福履。敢致精調之祝。用迎滋至之休。周益公大
全集。諸臺簿啓。三運就荒。未決歸田之計。一麾出守。誤叨來降之恩。自
惟機線之無長。加以鬢絲之既老。投閒置散。乃所當然。宣化承派。斯為過
矣。載省叨踰之自。寧無獎借之由。茲蓋某官學問粹精。風猷警邁。久儀仕
路人。皆嘆於良難。擢真臺僚。上獨嗟於見晚。每推公論。仰助清朝。致茲朽
鈍之餘。亦在
吹噓之數。

太常寺主簿

杜佑通典。太常簿。漢始有之。周簿之制。太常駕
四馬。主簿車前八乘。魏晉亦有焉。梁天監七年。

十二卿各置主簿一人。陳因之。北齊有功曹五官主簿二人。唐制二人掌
付事勾稽。省署抄目。監印給紙筆。餘寺主簿並同職。宋會要。宋皇祐中。宋
析乞增置一員。勾檢在寺文書及掌出納。遂除胡瑗。後省不置。元豐正名
初除王子奇。建炎三年省。紹興十年復置。紹興十二年。太常寺卿王貺言。
本寺主簿劉燦。強記洽聞。又深禮樂。所有討論文字。欲令同共討論。從之。
言行錄。李浩除太常寺簿。輪對陳無逸之戒。且論宿衛大將恩寵太過高。

宗感其言。宿將旋就第。自檜扼塞言路。士風寢衰。至是公與王十朋。馮方登。蕭明憲。始相繼有所開陳。時號五賢。聞者興起。太學之士。至為五言詩以述其事。諸司職掌國朝改為典簿二員。正七品。宋張廣文憲集注勅太常寺主簿制。勅其官某。列寺設屬。皆取時才。列在曲臺之聯。尤嚴簿正之職。以爾奮蹕庠序。早有聲稱。學博而文。官廉而畏。俾任鈎檢。宜爾優為往既乃心。以贊而長。鄭起潛立庵外制。奉議郎行武學博士孫夢觀除太常寺主簿制。簿領雖卑。奉常蓋禮樂所自出。有列其則。與閭閻古制作之事。其選清矣。爾茂才粹德。久橫經于石庠。俾道曲臺。將觀稽諏之學。豈特簿書云乎哉。虞備尊白堂集。葉宗魯太常寺主簿制。朕惟禮樂所以粉飾太平。而奉常實典司之。其間列屬並號清華。爾文學政事俱有可觀。簿正之職。蓋朕遴選。今坐廟堂。居風憲。多由此遂出。爾身親見之矣。益思涵養以待子之器。使汪藻浮溪集。蘇良治太常寺主簿制。簿領雖卑。然隸于太常。與閭禮樂之事。非他官比也。非爾通敏。朕不汝除。洪平齋集。劇用行除太常寺主簿制。勅其官某。孔子先簿正祭器。寅清禮樂之府。簿非冗曹比也。爾以凝重之器。和平之政。父著聲於湖表。擢賓客臺。禮制樂作。皆參聽之。漢儀雜奏。唐舞因隋。情文本末。必稽其失。而糾其違。毋徒諉之簿書之末可。高著齊微堂類藁。李師顏大

常寺主簿制 予方以爾雅文偉識直道明謨實諸右學養而資望曾幾何時士論浩然歸重禮樂之司非爾不足以重此選簿正祭器夫子所先往其欽哉母負所學衡後樂先生集通直郎賜緋魚袋王克勤依前官特授太常寺主簿制 爾總角知名被遇烈祖讀冊府之書踰三十年矣頃又以力學自奮名第徇翔州縣既用復跌然遂得以其餘暇涵養遠業豈老其才而后用耶朕愛惜人物振拔滯淹此加收召俾實曲臺簿領雖卑與聞禮樂之事往遊其間以俟褒陟可洪适盤洲集倪偁太常主簿制 簿領雖卑奉常蓋禮樂所自出有列其間則與聞稽古制作之事它事不可同年而語也爾強學好修久率多士俾造稷嗣益觀所長蘇峴太常寺主簿制 爾四世祖精於禮學作太常因革書百篇行於世禮官有討論資以折衷而無聚訟之患爾不墜家學近臣稱之往游曲臺思贊其長許應龍東澗集劉震孫除太常寺主簿制 奉常禮樂之司素號清選而勾稽之職其事尤簡然錄是而登要路者前後相望也以爾名臣之裔博雅清脩學問深造於精微議論每彈於剴切容臺簿正允穆師言其振爾之家聲以待予之器使洪文安公小隱集左奉議郎張堅除太常寺主簿制 爾以輔臣子被服儒術蓋嘗從事御史府矣奉常之屬官秩甚清往游其間觀汝遠器任希

夷斯庵集吳國太常主簿制 勅具官某。朕惟奉常簿領之司。竇預稽古禮文之事。苟匪素推於遠學。未嘗輕畀以是官。爾服在朝。行溫然儒者。擢繇綸郎。列屬頌臺。尚益懋於爾脩。庶不辜于予選。孔元忠太常簿制。朕惟奉常禮樂之司。必得博習脩潔之彥。克相而長。斯稱其官。爾才懋通今。志勤汲古。乃者試閣之選士。贊我春官之持衡。惟時從臣。丞騰顯薦。擢自天府之貳。寘于簿正之繼。其服異恩。益著顯効。劉復村集虞處除太常寺簿制。官曹之清者。至國壁曲臺。而止。爾昨教胄子。后夔之任也。今擢奉常伯夷之選也。一代稽古禮文之事。皆得與博士議。郎共討論之。豈特簿正祭器而已哉。可。戴良齋除太常寺簿制。國家於稽古禮文之事。無愧前代。凡有列於頌臺者。皆名流也。爾老於文學。有窮經析理之樂。恬於榮利。有難進易退之操。奉常華選。無以易汝。庶幾昔人召魯生制禮之意。可。趙汝腹除太常寺簿制。士大夫一門之內。珠聯璧合。接武于朝。自輦摩軼轍以來。蓋不多見。爾之伯氏。既持文墨。議論焉。吾近臣矣。汝又結綬登畿。惟列院非所以處汝也。進之頌臺。塗轍益清。汝其勉旃。增唱荒和。非惟侈衣冠之盛。抑亦為邦家之光。可。孫桂發除太常寺簿兼太子舍人制。朕於士之懷才抱藝者。惟恐不知之。既知之。惟恐其伏於下僚。

而騰上之不逮也。爾修於家庭。人無間言。行乎州里。立乎本朝。士無異議。所謂遠才成德者。禮官清於學者。儲宋要於藩邸。朕為官擇人。非為爾擇官也。爾其懋哉。以對殊擢。徐棣堃先生集時煥授太常寺簿制。勅容臺簿領之職。所以稽杞禮文之疎闕也。非其人。豈輕畀哉。爾時煥英蜚屬籍蔚。有時名。亦既繇故府而陞帝社。周旋乎姐豆之間矣。懋簡聲實。晉陟勾稽。往欽乃司。典聽朕監。可。方澄孫馬山集通莊常簿劄。某敢以某官風流文雅。不忝家聲。政事術業。具有宦譜。晉之王謝。本朝之韓呂。不是過矣。羽儀班行。引而上之。討裁臺閣。謀謨廟朝。固其任也。蕭然里居。一以江山雲月為家。宅筆硯簡冊。而性情富有其具。而用未盡。柄人物者。豈得辭其責哉。雖然。祿位相高。一時之榮也。文獻不墜百世之澤也。家庭講習。里巷婆婆。所以肖其先。而儀其家者。固有出於權勢寵利之外。根茂光燁。實大聲宏。雖欲勿用。其舍諸。某拭目以瞻召節之下。王與鈞盤縷素。回李寸簿別。伏以梅黃雨細。涼意如秋。恭惟某官。玉立鵬班。望實益偉。靈祇森在。台候動止。萬福。某逖遘犀屋之標。紛易頻歲。機車辰斗。每切尊瞻。比緣驅馳。煩使吏氛。役人赫蹠之間。疏到几格。方自愧負。豈謂謙撝。下逮特枉誨函。捧誦襲藏。何啻拱壁之獲。仰惟某官。學識明博。而足以爽邦行能。高

妙而足以撫世。羽儀文石，鈞考奉常雍容乎鍾鼓玉帛之間。討論乎典章制作之事。名流所莅，異用鼎來。臺閣垣扉，路徑平易。年除歲遷，即在甘泉上雍之列矣。某疎庸無取，誤點恩除。司臬近畿，責深寄重。龜勉奉職，未知所以免戾。過勤慶語，良仍愛忘。顧居中之勛，訂頑之訓，二者正有望於執事。尚冀垂念，幸甚。某伏承眷軫，特有雪紆霜紉雲腴之遺。物意俱腴，當暑拜賜，尤為清絕。下情不任，珍感至此。詹報慙慙，莫究謝言。切祈撥令向梓，居高致爽。前對殊渥，俯契忱頌。台閣大姥，中外禔福。吳下凡有翫策，願力驚頌。趙蕃淳熙葉次韻劉寺簿絕句二首。山寺方同祭祀齋，忽驚璽然一詩開。從今僮使親餘論，願戒鷹門許數來。草樹扶疎書滿齋，夜窻燈火酒尊閒。知公善誘蓋前輩，不以見聞喚去來。楊誠齋荆溪集送丁牧仲新除奉常寺簿入朝。帝念潛龍雪邱臣，寵光玉樹照青春。家藏履舄星辰舊，天借旂常日月新。從此雲霄君穩步，向來鵲鷺我曾鄰。曲臺簿正多廊廟，西府璇樞是一人。今樞密錢公常為奉常簿，許景衡橫塘集寄敏叔寺簿詩。海角紛紜抵簿書，竭來不覺一年餘。自嗟擾擾無休息，猶及忽忽問起居。前日先生官獨冷，而今主簿意何如。應憐小女猶癡在，只喜腰間已佩魚。敏叔時為太常簿，新改服色。

宗正寺主簿

鄭熊通志梁置官也陳北齊隋皆有唐因之置一人唐會要開元二十五年七月初宗正寺卿

丞及主簿擇宗室中才行者補授事類合璧天禧改元以衛尉丞趙鼎無宗正寺簿元豐正名初除楊完建炎三年罷紹興十年復置隆興元年從王大寶等議詔宗正併省主簿一員二年詔宗正寺丞簿並依舊制曾觀以使相領京祠王朴知閤無都丞百廿昇為內押班三人相與盤結士大夫無耻者爭附之袁樞字機仲為宗正簿因輪對數為上言之宗正地嚴秩清儒者之職也稍以序進宗勾稽之任元祐元年宗正寺言既許主簿通管寺事切恐亦合依太常寺國子監例正通管雜務其編纂圖書乞依舊例丞專修從之宋史列傳游師雄元祐初為宗正寺主簿執政將棄四牀訪於師雄師雄曰此先帝所立以控制夏人者也若何棄之不惟示中國之怯將起敵人無厭之求僕瀝戎刑粵視以為請亦將與之乎萬一燕人遣一乘之使來求關南十縣為之奈何不聽因著分疆錄任希夷斯查集錢撫宗正簿制宗正設屬瑤牒是司不惟秩叙於皇支蓋俾特書于大事若時清選必屬儒流爾端序梁婆敏明通務昨舉一同之寂人躋六院之聯于茲期年翕騰美譽宜加超拔顯列周行其益屬於遠猷以

克承於殊遇。邢燕宗正簿制。卿寺簿領之職。式掌勾稽玉牒屬籍之司。實無脩纂以兩性資敏勵才術疏通。雖寒戚曉之華休有周行之譽。宜自奉常之屬。與禪大事之書。其服優恩克圖來勅。蘇東坡大全集文居中宗正主簿制。勅奉議郎管勾西京糧料院文居中。昔江左二老王導謝安。唐之元勳。汾陽西平。皆以積德流慶于孫。昌衍布列臺省。為邦家之光。今吾太師氏亦庶幾焉。爾才行之美。所資若深。見聞之廣。不扶自直。宜近而遠。未稱朕意。其歸乃事。同寅協恭。以究事君親之義。可特授依前官。試宗正寺主簿。高著齊微垣類藁。趙逢龍宗正寺簿制。司宗設官。非徒整訓屬族。秩序昭穆而已。白玉之牒。編年紀事。與史並行。其選蓋不輕矣。爾脩纂傳習。賢聞藹然。故府膠庠。皆所周歷。肆疇雅望。簿正宗盟。往服厥官。以頌明陟。宋元龍行宗正寺主簿制。司宗列屬。非特莫世繫詔戚疎也。白玉之牒。實預編摩。匪賢不以選授。爾有內美。重以脩能典獄。以稽經詠。律為事。長邑以學道愛人。為心。留賓周行。澹然無營。肆庸命爾。簿正屬籍。往敬乃事。以稱所蒙。奉議郎幹鐸行在諸軍糧料院謝方叔。特授宗正寺主簿制。西南之序。是闡坤珍。于用時拔。其尤嘉其直。大之氣所鍾也。爾家嘏下。其炳靈載英之尤者乎。現意琦行。蔚其為士林之特。歲元命

爾以勾瑤籍之稽意有屬焉將伯助予此為之兆許應龍東潤集董槐除
宗正簿制 勾稽宗寺雖事簡職閑然華塗要津由茲而升者前後相望
也爾奮身儒級遇事精明中外踐吏尉有休譽擢陞茲職益觀爾能尚克
欽承勉圖報稱周麟之海陵集鄭知剛除宗正寺簿制 君子求為可知
而不求於必知政其知之也孰禦夫已有可知則鳴皋之鶴雖在陰而子
和必人之知則夜光之璧或投暗而人疑理蓋然也爾以成德之彥白首
於州縣間所行所為無非可知者而未嘗求人之必知也今薦者以聞于
朕特召見而褒進之序于司宗列在寺屬其品高矣朕將以是為甄擢之
階可洪文安公小隱集右承奉郎兵曹除宗正寺主簿制 汝以儒雅自
命昔嘗從事于太常矣司宗簿正其選甚清往惟丕欽無怠於事彭汝礪
鄱陽集王誼宗正寺主簿制 勅某爾昔備學官以憂去位日月不處亦
既除喪為屬司宗勾檢稽失無易乃服以期于成可劉後村集黃應春除
宗正寺簿制 麟寺名掌屬籍實以纂述瑤編為職地清天近非名流不
輕授爾經明而行脩年高而德邵書所謂耆德語所謂先進詩所謂典刑
人也繇博士贊司宗一代大典皆與討論焉爾既無史官學識之長朕非
責俗吏簿書之務可 馮夢得除宗正寺簿制 昔人以大幕府為小朝

廷謂人材之所聚也。從吾大臣援蜀者多矣。爾其一焉。甫開朝蹟。卷懷而去。起參淮柁。軍事俄而青齊拓土。濟汶歸疆。矣夫有磨盾作檄之才。必能秉檢玉泥金之筆。朕以瑤編初草。付爾筆削。將極文章之用。陳琳阮瑀之事。淺矣。尚勉其遠者大者可。林裕除宗正寺簿制。近世學士大夫同流以媒進。枉已以希福。滔滔皆是。至於獨立以決去直道。以觸禍。則吾未見其人焉。爾前在學館。言論風旨。離合去就之際。皆可暴之。當世朕既拔去凶邪。叢之留落。遷徙者以次進。擢汝久而後至。色無愠喜。瑤編大典。得以筆削事簡。職清其益。充養汝之浩然者。以俟于用可。陳炎松溪集賀馬府判除宗正簿啓。頌綸鳳掖。司藉麟宗。半刺翱翔。正喜分嚴陵之月。九族秩序。又移近長安之天。凡屬照臨。不勝鼓舞。禮樂先進。典刑老成。瑤林瓊樹之人。象崇閭黃扉之地。步雖間周。景素見重於題輿。豈有王祥能久淹於別駕。詔果來於當宁。薄爰正於司宗。晉陟清班。咸謂華選。金枝譜衍。行將歌螽羽之詩。紅藥階翻。邁即鳴鳳池之珮。某冒難作。時竊託監州。忽聞成命之攸。倍激懦衷之喜。屏星東駕。遙撫燕雀賀厦之忱。思天下臨幸。監大馬戀軒之意。縉紳淵源。余日華回陳宗簿啓。某共審恩頒。宸宸薄正。仙源展驥。足於治中。久資闡決。司麟宗之屬籍。方賴纂脩。步武翱翔。薦

紳忻愜某尚稽賀慶過沐貽箋三復譙撫一味漸感輒馮東尺姑叙豪分
草帥悚然融亮幸甚回陳宗簿入國門啓某伏審光奉璽書勾稽瑤
籍脩門初入賢路有聞屬以拘文無從納謁先蒙捐翰良認謙勤占報不
莊原亮幸甚賀胡宗簿啓伏審錫寵宸廷勾文屬籍鏤白玉之牒正
資良史之才涉赤墀之塗行趾先猷之美除音初布輿論無詣某久矣辱
知劇于賀喜華緘俯逮已榮蔭衍之歲慶悃欲陳敬俟門牆之誨啓劉湖海
揚長孺謝除宗正寺簿啓涉赤墀之塗久誤微聞於章奏鏤白玉之牒端令
勾會於簿書何已試而因功迺超遷而席寵詔爵如許非才豈堪共惟本
朝莫重信史大事書之策昭垂列聖之光明衆美敦之君顯命上公而典
領繁編年而繫日可緯地而經天雖人主之自觀難迂五筆蓋儒生之唯
謹敢安措辭第實錄而舉綱將垂鴻而傳後文昭武穆本蔓葛而絲瓜帝
子天孫如倚蘭而蟠李文脩譜牒厥有科條爰稽古而建官俾分職而率
屬茲宜妙選孰得濫吹如某者枵然抱虛老矣安用纂言記事初乏古人
之三長更治考功或觀侏儒之一節僉荒遠迹憂患餘生束帶立朝請粟
為母徒守諸侯之邸恐稽傳命之郵芻蕘有言嘗切嗟而無諱雷霆收
怒曲隱忍而無容龍顏斯溫驚羽載拂是殆喜汲黯之慙不然寧蕭